

Ո Ր Ո Շ ՈՒ Մ N 459/6
/վարչական տույժ նշանակելու մասին/

«26» մայիսի 2020թ.

ք. Վանաձոր

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետ Գարիկ Դարբինյանս ուսումնասիրելով Մամիկոն Կարախանյանի /անձն. 11BB02779, քաղաքացիություն՝ Վրաստանի Հանրապետություն/ կողմից մաքսային կանոնների խախտում կատարելու վերաբերյալ գործի նյութերը

Պ Ա Ր Զ Ե Ց Ի

Վրաստանի Հանրապետության քաղաքացի Մամիկոն Կարախանյանի անվամբ 14.09.2018 թվականին թիվ 05100033/140918/0008702 ապրանքների հայտարարագրով «Ժամանակավոր ներմուծում» մաքսային ընթացակարգով՝ 30 օր ժամկետով, ՀՀ տարածք են ներմուծվել պլաստմասսե դատարկ արկղեր՝ (բրուտո և նետո 120 կգ ընդհանուր քաշով, 97,052 ՀՀ դրամ մաքսային արժեքով), որոնք սահմանված ժամկետում չեն վերաարտահանվել, ինչի արդյունքում խախտվել է հետադարձ արտահանման պարտավորությունը:

Գոգավան-Պրիվոլնոյե մաքսային-կետ բաժնի ավագ մաքսային տեսուչ իրավաբանի կողմից 01.04.2020 թվականին Մամիկոն Կարախանյանի նկատմամբ կազմվել է մաքսային կանոնների խախտման վերաբերյալ արձանագրություն՝ ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտման հատկանիշներով՝ հիմք ընդունելով Մաքսային միության մաքսային կանոնների խախտման վերաբերյալ գործերի վարույթներով նման խախտման հատկանիշներ մատնանշող բավարար տվյալների առկայության հանգամանքը:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունն, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

ԵՏՄ մաքսային օրենսդրության համաձայն՝ հայտարարատուն ժամանակավոր ներմուծված սովարաթղթե(պլաստմասսե) արկղերը սահմանված ժամկետում մաքսային տարածքից վերաարտահանելու պարտավորություն է կրում, իսկ նշված ժամկետում վերաարտահանելու պարտավորությունը չիրականացնելու դեպքում ՀՀ ՄՕ-ով ամրագրված դրույթներով օրենսդրի կողմից սահմանվել է տուգանք, մասնավորապես.

ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում ՀՀ չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում ազատ շրջանառության համար» մաքսային ընթացակարգով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

ԵՏՄ մաքսային օրենսգրքի 219-րդ հոդվածի 1-ին մասի համաձայն /այսուհետ՝ Օրենսգիրք/՝ «Ժամանակավոր ներմուծում (թույլտվություն)» մաքսային ընթացակարգն օտարերկրյա ապրանքների նկատմամբ կիրառվող մաքսային ընթացակարգ է, որին համապատասխան այդ ապրանքները ժամանակավոր գտնվում և օգտագործվում են Միության մաքսային տարածքում, պահպանելով ապրանքներն այդ մաքսային ընթացակարգով ձևակերպելու և այդ մաքսային ընթացակարգին համապատասխան դրանք օգտագործելու պայմանները՝ ներմուծման մաքսատուրքերի, հարկերի մասնակի վճարմամբ և առանց հատուկ, հակազնագցման, փոխհատուցման տուրքերի վճարման կամ առանց ներմուծման մաքսատուրքերի, հարկերի վճարման և առանց հատուկ, հակազնագցման, փոխհատուցման տուրքերի վճարման:

Օրենսգրքի 221-րդ հոդվածի 1-ին մասի համաձայն՝ «Ժամանակավոր ներմուծում (թույլտվություն)» մաքսային ընթացակարգի գործողության ժամկետը չի կարող գերազանցել 2 տարին՝ «Ժամանակավոր ներմուծում (թույլտվություն)» մաքսային ընթացակարգով ապրանքները ձևակերպելու օրվանից սկսած, կամ Հանձնաժողովի կողմից սույն հոդվածի 2-րդ կետին համապատասխան սահմանված ժամկետը:

Նույն հոդվածի 4-րդ մասի համաձայն՝ «Ժամանակավոր ներմուծում (թույլտվություն)» մաքսային ընթացակարգի՝ մաքսային մարմնի կողմից սահմանված գործողության ժամկետն անձի դիմումի համաձայն կարող է երկարաձգվել՝ մինչև այդ ժամկետը լրանալը կամ լրանալուց հետո 1 ամսից ոչ ուշ՝ տվյալ մաքսային ընթացակարգի՝ սույն հոդվածի 1-ին կետով նախատեսված կամ Հանձնաժողովի կողմից սույն հոդվածի 2-րդ կետին համապատասխան սահմանված տվյալ մաքսային ընթացակարգի գործողության ժամկետի սահմաններում:

Վարչական մարմինն արձանագրում է, որ վարչական վարույթի շրջանակներում հարցում է կատարվել ՀՀ ՊԵԿ Ներքին անվտանգության վարչություն, ինչպես նաև ՀՀ ՊԵԿ աշխատակազմի մաքսատուն-վարչություններ՝ նշված ապրանքների՝ վերաարտահանում կատարելու և ձևակերպված լինելու վերաբերյալ տեղեկատվություն ստանալու նպատակով, որոնց ի պատասխան ստացվել են համապատասխան հարցման պատասխանները:

Վարչական մարմինն արձանագրում է նաև, որ վարչական վարույթի շրջանակներում կողմի ծանուցումն ապահովելու նպատակով փոստային առաքանի է ուղարկվել ըստ հաշվառման հասցեի, սակայն հնարավոր չի դարձել պարզելու անձի գտնվելու վայրը, ուստի, վարչական մարմինը գործը քննել է իրավախախտի բացակայությամբ՝ հիմք ընդունելով ՀՀ ՄՕ 219 հոդվածի 2-րդ մասի իրավակարգավորումները:

Վարչական մարմինը ուսումնասիրելով սույն գործով հարուցված վարչական վարույթի նյութերը գտնում է, որ Մամիկոն Կարախանյանի արարքում առկա է ՀՀ ՄՕ 199-րդ հոդվածով նախատեսված հատկանիշներ, վերջինս չի օգտվել օրենքով իրեն վերապահված արտոնությունից՝ չի դիմել վարչական մարմին «ժամանակավոր ներմուծում» մաքսային ընթացակարգի ժամկետը երկարաձգելու խնդրանքով, միևնույն ժամանակ չի կատարել վերոնշյալ ապրանքների վերաարտահանման պարտավորությունը կամ նշված ապրանքը չի ձևակերպել օրենքով նախատեսված այլ մաքսային ընթացակարգով:

Ըստ ՀՀ ՊԵԿ Արևելյան մաքսատուն-վարչության Գոգավան-Պրիվոլնոյե մաքսային կետ-բաժնի կողմից ներկայացված գեկուցագրի՝ ՎՀ քաղաքացի Մամիկոն Կարախանյանի անվամբ թիվ 05100033/140918/0008702 ապրանքների հայտարարագրով ներմուծված ապրանքների համար «Բաց թողում ներքին սպառման համար» մաքսային ընթացակարգով ձևակերպելու դեպքում կառաջանային հետևյալ մաքսային վճարները. մաքսատուրք՝ 6,308 դրամ, ԱԱՀ 20,672 դրամ և բն.վճար 20,672 դրամ: Միաժամանակ հայտնվել է, որ տվյալ ապրանքատեսակների համար ոչ սակագնային կարգավորման միջոցներ չեն կիրառվում:

Վերոնշյալի հաշվառմամբ, գնահատելով առկա ապացույցները վարչական մարմինը գալիս է այն եզրահանգման, որ սույն դեպքում առկա է մաքսային կանոնների խախտման փաստը, ուստի, ղեկավարվելով ՀՀ մաքսային օրենսգրքի 221-րդ հոդվածով և վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. ՎՀ քաղաքացի Մամիկոն Կարախանյանին ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտման համար ենթարկել վարչական պատասխանատվության՝ տուգանելով 50,000 ՀՀ դրամի չափով:
2. Որոշումն ուժի մեջ է մտնում կայացման պահից:
3. Որոշումը կայացնելուց հետո՝ եռօրյա ժամկետում, դրա օրինակը հանձնել Մամիկոն Կարախանյանին՝ պարզաբանելով, որ այն օրենքով սահմանված երկամսյա ժամկետում կարող է բողոքարկվել վերադաս մաքսային մարմին կամ ՀՀ վարչական դատարան:

Սույն որոշմամբ նշանակված տուգանքի վճարման հաշվեհամարն է՝ 900005024055 /ՀՀ պետական բյուջե, կենտրոնական գանձապետարան, Արևելյան մաքսատուն-վարչություն, ԿՈԴ 29/:

ԱՐԵՎԵԼՅԱՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏ



Գ. ԴԱՐԲԻՆՅԱՆ